



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 561 Usque Ad Annum 633

Fleury, Claude

August. Vind. [u.a.], 1759

VD18 90117832

§.14. Cæremoniæ a S. Gregorio invecctæ.

[urn:nbn:de:hbz:466:1-66072](https://nbn-resolving.org/urn:nbn:de:hbz:466:1-66072)

scopum, qui huic Sedi subditus non sit, Sæculum VI
A. C. 599..
quando peccavit; etsi extra hunc casum
Episcopi omnes secundum Leges Humilitatis
æquales sint. (*) His S. Gregorii verbis
Potestatis, quæ in Ecclesiæ Capite
residet, limites accurate definiuntur.
Quamdiu Episcopi Munere suo integre
funguntur, Papa omnes tanquam Fra-
tres sibi æquales habet, sed omnium Su-
perior est, ubi de illorum correctione
agitur. Hæc epistola circiter mense Ju-
nio Indictione secunda anno 599. data est.

§. XIV.

Cæremoniæ a S. Gregorio inuictæ.

Sub idem tempus S. Gregorius magni
momenti epistolam, in qua de variis
Cæremoniis agitur, ad Joannem Syra-
cusanum dedit. Epistolæ exordium est
hujusmodi: *Vir ex Sicilia veniens ad me*
retulit, amicorum suorum aliquos Græ-
cos & Latinos sub prætextu, & specie de-
fendendi Romanæ Ecclesiæ honorem, Ri-
tus, quos præscribo, sugillare, & dice-
re: quomodo Gregorius Constantinopoli-
tanum Episcopum supercilium ponere com-
pellet, dum illius Ecclesiæ Ritus & con-
suetudines amplectitur? percunctanti, qui-
nam essent isti Ritus, respondit: præscri-
psisti,

Ii 3

(*) Ex his S. Gregorii verbis, si quis ea stu-
diose pensare velit, multæ Quæstiones Canoni-
cæ resolvi possunt.

Sæculum VI. *psisti, ut in Missa extra tempus Paschale*
 A. C. 599. ALLELUJA dicatur, jubes Subdiaconos sine Tunicis incedere, vis, ut dicatur *KYRIE ELEISON*, statim post Canonem Orationem Dominicam recitas. *Reposui, me in his omnibus nullius alterius Ecclesie Ritus fuisse secutum.*

S. Hieronymum Damasi Papæ ævo Ratum invexisse ferunt, ut secundum consuetudinem Ecclesie Jerosolymitane ALLELUJA cantaretur. Hinc verius diceres, morem a Græcis hic inuectum a nobis fuisse dimissum. Forte vult dicere, dimissum fuisse usum cantandi Alleluja in Exequiis, & in Quadragesima. S. Gregorius prosequitur: More antiquo Subdiaconi sola Alba induti incedebant, quod ex usu Ecclesiarum vestrarum apparet, quem certe non a Græcis, sed ab Ecclesia Romana Matre vestra accepistis. Aliquit Episcoporum nostrorum Subdiaconos Tunicis vestitos esse voluit. Non dicimus KYRIE ELEISON Ritu Græcorum; nam apud ipsos hanc orationem omnes pronunciant, & apud nos soli Clerici populo respondente: AMEN! Nos etiam ceremonie CHRISTE ELEISON adjicimus, quod Græci penitus omittunt. Ceterum S. Gregorius perperam accusabatur, quod Auctor fuisset recitandi Kyrie eleison, cum annis abhinc septuaginta Concilium Vasionense testatum fecerit, hanc Orationem

V. Mabill.
 comm. in
 ord. R. c. 15.

Cæremonia.

tionem a Sacra Sedē fuisse receptam, quæ Sæculum VI.
 etiam Lytania dicebatur. Rursus S.Gre- A.C. 599.
 gorius prosequitur: *Orationem Domini-* Conc. Vas. II
cam statim post Canonem recitamus, quia c. 3. Sup. I.
mos Apostolorum fuit, nullam aliam ad XXXII. n. 41.
Consecrationem dicere, & mihi videbatur
absurdum, orationem fortasse ab homine
docto concinnatam recitare, illa omiſſa,
quam ipse Dominus Noster nos docuit. S.
 Gregorius dum dicit, pro Consecratio- V. Bona. I. II.
 ne Evcharistiæ non aliam fuisse recita- lib. I. c. 5. II.
 tam, quam Orationem Dominicam, non c. 15.
 negat, recitata fuisse Evangelii Verba,
 quæ Evcharistiæ Institutionem comple- V. Mabill.
 ctuntur. De oratione Dominica creden- comm. in ord.
 dum, eam solum ab aliquo tempore & R. c. 7.
 fortasse certis tantum diebus fuisse omiſ-
 sam, nam ex quodam Concilio exinde
 post annos triginta celebrato dispicitur,
 in quibusdam Ecclesiis Hispaniæ Oratio-
 nem Dominicam solum Diebus Domini- Conc. Tol.
 cis fuisse recitatam. IV. c. 10.

Tum S. Gregorius prosequitur: *Apud*
Græcos Oratio Dominica a toto populo,
apud nos vero a solo Presbytero pronun-
ciatur. In quo igitur Ritus Græcorum
imitati sumus? antiquas nostras consue-
tudines reducere nobis placuit, & novas,
quas utiles esse credimus, instituere. Et
 inferius: *Ceterum Ecclesiam Constanti-*
nopolitanam Sacræ Sedi esse subiectam,
nemo est, qui dubitet, & idipsum tam

Sæculum VI. *Imperator, quam Episcopus illius Civita-*
A. C. 599. *tis continuo profitentur. (*) Nihilomi-*
nus, si illa Ecclesia, aut quæcunque alia
usus salutare habet, in rebus bonis etiam
me inferiores imitari paratus sum, quip-
pe, in contemptu eorum, quæ meliores
sunt, Primatum constituere stultitia foret.

§. XV.

Officii Reformatio.

Ex ista Epistola S. Gregorii cognoscimus, ipsum jam hoc anno 599. Officium Ecclesiæ Romanæ reformavisse; cumque Factum istud durante ipsius Pontificatu inter cœtera memoratu dignissimum sit, id paulo fusius referemus. De illa Officii Missalis Collectione, quæ Gregorium Papam Auctorem habet, S. Gregorius aliqua omittenda, alia mutanda, & aliqua addenda esse censuit. Omnia in unum Volumen collegit, quod ejus Sacramentarium dicitur. Ita olim appellabatur Liber, in quo preces in Administratione Sacramentorum, præsertim in Celebratione S. Sacrificii a Sacerdote dicendæ continebantur. Quæ cantanda erant, in alio notabantur Volumine, quod Antiphonale dicitur, quia alternatim diversi chori cantabant, unde Anti-

Jo. Diac. II
vit. c. 17.
Sup. XXX.
n. 42.

(*) Quid ad hoc S. Gregorii Testimonium Protestans noster respondere queat? ideo tacet.